

四庫全書

史部

欽定四庫全書

史部  
翰苑羣書卷一至五

詳校官太常寺少卿臣陳桂森

編修臣程嘉謨覆勘

覆校官中書臣汪師曾

校對官中書臣王家賓

謄錄監生臣陳炳

欽定四庫全書

史部十二

翰苑羣書目錄

職官類一官制之屬

卷一

李肇翰林志

卷二

元稹承旨學士院記

卷三

韋處厚翰林學士記

卷四

章執誼翰林院故事

卷五

楊鉅翰林學士院舊規

卷六

丁居晦重修承旨學士壁記

卷七

李昉禁林譙會集

卷八

蘇易簡續翰林志

卷九

蘇耆次續翰林志

卷十

學士年表

卷十一

翰苑題名

卷十二

翰苑遺事

臣等謹案翰苑羣書十二卷宋學士承旨洪

遵編後有乾道九年遵題記陳振孫書錄解

題曰自李肇而下十一家及年表中興後題

名共為一書此本所載為李肇翰林志元稹

承旨學士院記韋處厚翰林學士記韋執誼

翰林院故事楊鉅翰林學士院舊規丁居晦

重修承旨學士壁記李昉禁林宴會集蘇易簡續翰林志蘇耆次續翰林志學士年表翰苑題名翰苑遺事凡十二種其遺事為遵所續年表題名之外所收不過九家與振孫所記不合案文獻通考所載尚有唐張著翰林盛事宋李宗諤翰苑襍記若合此二家正足十一家之數殆原本有之而今佚也其書於歷代翰林典故頗為詳贍足資考覆錄之以

備職官類之一種焉乾隆四十二年八月恭

校上

總纂官臣紀昀臣陸錫熊臣孫士毅

總校官臣陸費墀



欽定四庫全書

翰苑羣書卷一

宋 洪遵 編

李肇翰林志

昔宋昌有言曰所言公公言之所言私王者無私夫翰  
林為樞機宥密之地有所慎者事之微也若制置任用  
則非王者之私漢制尚書郎主作文書起草更直於建  
禮門內臺給青縑白綾或以錦被帷帳氈褥畫通中枕  
大官供食湯官供餅餌五熟果五日一美食下天子一

等建禮門內得神仙門內得光明殿神仙殿自  
門下省中書省蓋比今翰林之制略同而所掌輕也漢  
武帝時嚴助朱買臣吾丘壽王司馬相如東方朔枚臯  
之徒皆在左右是時朝廷多事中外論難大臣數誣亦  
其事也唐興太宗始於秦王府開文學館擢房玄齡杜  
如晦一十八人皆以本官兼學士給五品珍膳分為三  
番更直宿於閣下討論墳典時人謂之登瀛洲貞觀初  
置弘文館學士聽朝之隙引入大內殿講論文義商較

時政或夜分而罷至玄宗置麗正殿學士名儒大臣皆在其中後改為集賢殿亦草書詔至翰林置學士集賢書詔乃罷初國朝修陳故事有中書舍人六員專掌詔誥雖曰禁省猶非密切故温大雅魏徵李百藥岑文本褚遂良許敬宗上官儀時召草制未有名號乾封已後始曰北門學士劉懿之劉禕之周思茂元萬頃范履冰為之則天朝蘇味道韋承慶其後上官昭容獨掌其事睿宗則蘇稷賈膺福崔湜玄宗初改為翰林待詔張說

陸堅張九齡徐安貞相繼為之改為翰林供奉開元二十六年劉光謹張洵乃為學士始別建學士院於翰林院之南又有韓絃閻伯輿孟匡朝陳兼李白蔣鎮在舊翰林院雖有其名不職其事至德宗已後翰林始兼學士之名代宗時李泌為學士而今壁記不列名氏蓋以不職事之故也

按六典中書掌詔旨制敕璽書冊命皆案典故起草進書其禁有四一曰漏洩二曰稽緩三曰遺失四曰忘誤

所以重王命也制敕既行有誤則奏而正之凡王言之制有七一曰冊書立后建嫡封樹藩屏寵命尊賢臨軒備禮則用之二曰制書行大典賞罰授大官爵釐革舊政赦宥降虜則用之三曰慰勞制書褒贊賢能勸勉遣勞則用之四曰發白敕增減官員廢置州縣徵兵發馬除免官爵授六品已下官處流已上罪並用之五曰敕旨為百司承旨而為程式奏事請施行者六曰論事敕書慰諭公卿誡約臣下則用之七曰敕牒隨事承旨不

易舊典則用之。又答疏於王公則用皇帝行寶，勞來勲賢則用皇帝之寶，徵召臣下則用皇帝信寶，答四夷書則用天子行寶，撫慰蠻夷則用天子之寶，發蕃國兵則用天子信寶，並甲令之定制也。近朝大事直出中禁，不由兩省，不用六寶，並從權也。元和初，置書詔印，學士院主之。凡赦書、德音、立后、建儲、大誅、討免三公宰相、命將，曰制，並用白麻紙，不用印。雙日起，早候閣門鑰入，而後進書。隻日百寮立班於宣政殿，樞密使引案自東上閣。

門出若謫宰相則付通事舍人矩步而宣之機務要速亦用雙日甚者雖休暇追朝而出之凡賜與徵召宣索處分曰詔用白藤紙凡慰軍旅用黃麻紙並印凡批答表疏不用印凡太清宮道觀薦告詞文用青藤紙朱字謂之青詞凡諸陵薦告上表內道觀歎道文並用白麻紙雜詞祭文禁軍號並進本

凡將相告身用金花五色綾紙所司印凡吐蕃贊普書及別錄用金花五色綾紙上白檀香木真珠瑟瑟鈿函

銀鑲回紇可汗新羅渤海王書及別錄並用金花五色綾紙次白檀香木瑟瑟函銀鑲諸蕃軍長吐蕃宰相回紇內外宰相摩尼已下書及別錄並用五色麻紙紫檀木鈿函銀鑲並不用印南詔及大將軍清平官書用黃麻紙出付中書奉行却送院封函與回紇同凡畫而不行者藏之函而不用者納之

凡參議奏論撰述注釋無定名奏復無晝夜凡徵天下草澤之士臨軒策試則議科設問覆定與奪凡受宣有



堂歷日記有承旨簿記大抵四者之禁無殊而漏泄之禁為急天寶十二載安祿山來朝玄宗欲加同中書門下平章事命張洎草制不行及其去也怏怏滋甚揚國忠曰此洎告之也遂貶盧溪郡司馬兄均建安郡太守弟叔宜春郡司馬

德宗雅尚文學注意是選乘輿每幸學士院顧問錫賚無所不至御饌珍肴輟而賜之又嘗召對於浴堂移院於金鑾殿對御起草詩賦唱和或旬日不出吳通微昆

季同時擢用與陸贄爭恩不叶甚於水火天下醜之貞元三年贄上疏曰伏詳令式及國朝典故凡有詔令令由於中書如或墨制施行所司不須承受蓋所以示王者無私之義為國家不易之規貞觀中有學士一十八人太宗聽朝之餘但與講論墳籍時務得失悉不相干實錄之中具載其事玄宗末方置翰林張洎因緣國親特承寵遇當時之議以為非宜然止於唱和文章批答表疏其於樞密輒不預知肅宗在靈武鳳翔事多草創

權宜濟急遂破舊章翰林之中始掌書詔因循未革以至於今歲月滋深漸逾職分頃者物議尤所不平皆云學士是天子私人侵敗綱紀致使聖代虧至公之體宰臣有備位之名陛下若俯順人情大革前弊凡在詔敕悉歸中書遠近聞之必稱至當若未能變改且欲因循則學士年月較深稍稍替換一者謗議不積二者氣力不衰君臣之間庶全終始事關國體不合不言疏奏不納雖徵據錯謬然識者以為知言貞元末其任益重時

人謂之內相而上多疑忌動必拘防有守官十三考而不遷故當時言內職者多滯相半及順宗不豫儲位未立王叔文起於非類竊學士之名內連牛美人李忠言外結姦黨取兵柄弄神器天下震駭是時鄭絪為內庭之老首定大計今上即位授絪中書侍郎平章事

初姜公輔行在命相乃就第而拜之至李吉甫除中書侍郎平章事適與裴垍同直垍草吉甫制吉甫草武元衡制垂簾揮翰兩不相知至暮吉甫有歎惋之聲垍終

不言書麻尾之後乃相慶賀禮絕之敬生於座中及明  
院中使學士送至銀臺門而相府官吏候於門外禁署  
之盛未之有也

凡學士無定員皆以他官充下自校書郎上及諸曹尚  
書皆為之所入與班行絕跡不拘本司不繫朝謁常參  
官二周為滿歲則遷知制誥一周歲為遷官則奏就本  
司判記上月日北省官宰相送南省官給舍丞郎送上  
興元元年勅翰林學士朝服序班宜准諸司官知制誥

例凡初遷者中書門下召令右銀臺門候旨其日入院  
試制書答共三首詩一首自張仲素後加賦一首試畢  
封進可者翌日受宣乃定事下中書門下於麟德殿候  
對本院賜宴營幕使宿設帳幕圖褥尚食供饌酒坊使  
供美酒是為勅設序立拜恩訖候就宴又賜夜一副絹  
三十疋飛龍司借馬一疋旬日人進文一軸內庫給青  
綺錦被青綺方裕青綾單帕漆通中枕銅鏡漆奩象篋  
大小象梳漆箱銅掌羅銅背椀紫絲履白布手中畫木

架牀鑪銅案席氈褥之類畢備內諸司供膳飲之物主膳四人掌之內園官一戶三人以供使令其所乘馬送迎於櫺仗門內橫門之西度支月給手力資四人人錢三千五百四品已上加一人每歲內賜春服物三十疋暑服三十疋絛七屯寒食節料物三十疋酒飴杏酪粥屑飲啖清明火二社蒸饌端午衣一副金花銀器一事百索一軸青團鏤竹大扇一柄角糴三服炒蜜重陽酒饘糕粉冬至歲酒兔野雞其餘時果新茗瓜新厯是為

經制直日就頒授下直就第賜之凡內宴坐次宰相坐  
居一品班之上別賜酒食珍果與宰相同賜帛二十疋  
金花銀器一事貞元四年敕晦日上巳重陽三節百寮  
宴樂翰林學士每節賜錢一百千其日奏選勝而會賜  
酒脯茶果明年廢晦日置中和節宴樂如之非凶年旱  
歲兵革則每歲為常

凡正冬至不受朝俱入進名奉賀大忌進名奉慰其日  
尚食供素饌賜茶十串



凡郊廟大禮乘輿行幸皆設幕次於御幄之側侍從親  
近人臣第一御舍元殿丹鳳樓則二人於宮中乘馬引  
駕出殿門徐出就班大慶賀則俱出就班

凡當直之次自給舍丞郎入者三直無僦自起居御史  
郎官入五直一僦其餘雜入者十直三僦新遷官一直  
報僦名於次之中減半著為別條例題於北壁之西閣  
凡交直候內朝之退不過辰已入者先之出者後之直  
者疏數視人之衆寡事之勞逸隨時之動靜凡節國忌

授衣二分旬假之令不需有不時而集併夜而宿者或  
內務不至外喧已寂可以探窮理性養浩然之氣故前  
輩傳楞伽經一本函在屋壁每下直出門相謔謂之小  
三昧出銀臺乘馬謂之大三昧如釋氏之去纏縛而自  
在也北廳前階有花磚道冬中日及五磚為入直之候  
李程性懶好晚入恒過八磚乃至衆呼為八磚學士  
元和已後院長一人別敕承旨或密受顧問獨召對敷  
居北壁之東閣號為承旨閣子其屋棟別列名焉故事

駕在大內即於明福門置院駕在興慶宮則於金明門  
內置院今在右銀臺之北第一門向開榜曰翰林之門  
其制高大重複號為北門入門直西為學士院即開元  
二十六年所置也引鈴於外惟宣事入其北門為翰林院  
又北為少陽院東屋三院西廂之結麟樓南西並禁軍  
署有高品使二人知院事每日晚執事於思政殿退而  
傳旨小使衣綠黃青者逮至十人更番守曹南廳五間  
本學士駙馬都尉張珣節為公主堂今東西間前架高

品使居之中架為藏書南庫西三間前架中三洞各設榻受制旨印書詔二時會食之所四壁列制敕條例名數其中使置博局一印櫃中間為北一戶架東西各二間學士居壁之出北門橫屋六間當北廳通廊東西二間為藏書北庫其二庫書各有錄約八千卷小使主之西三間書官居之號曰待制北廳五間東一間是承旨閣子並學士雜處之題記名氏於壁者自呂向始建中已後年月遷換乃為周悉南北二廳皆有懸鈴以示呼

召前庭之南橫屋七間小使居之分主案牘詔草紙筆之類又西南為高品使之馬廄北為寶庫之北小板廊抵於北廳西舍之南具一門待詔戴小平嘗處其中死而復生因敞為南向之宇畫山水樹石號為畫堂次二間貯遠歲詔草及制舉詞策又北迴而東並待詔居之又東盡於東垣為典主堂待詔之職執筆硯以俟書寫多至五六員其選以能不以地故未嘗用士人自王伾得志優給頗厚率三歲一轉官有至四品登朝者虛廊

曲壁多畫怪石松屋北廳之西南小樓王涯率人為之  
院內古槐松玉蘂藥樹柿子木瓜菴羅峒山桃李杏櫻  
桃紫薔薇辛夷蒲萄冬青玫瑰凌霄牡丹山丹芍藥石  
竹紫花蕪菁青菊當陸莪葵萱草紫苑署學士至者雜  
植其間殆至繁隘元和十二年肇自監察御史入明年  
四月改左補闕依舊職守中書舍人張仲素祠部郎中  
知制誥段文昌司勳員外郎杜元穎司門員外郎沈傳  
師在焉是時睿聖文武皇帝裂海岱十二州為三道之

歲時以居翰苑皆謂凌玉清遡紫霄豈止於登瀛州哉  
亦曰登玉署玉堂焉

翰苑羣書卷一



欽定四庫全書

翰苑羣書卷二

宋 洪遵 編

元稹承旨學士院記

舊制學士無得以承旨為名者應對顧問旅次班第以  
官為上下憲宗章武孝皇帝以永貞元年即大位始命  
鄭公綯為承旨學士位在諸學士上居在東第一閣乘  
輿奉郊廟輒得乘廐馬自浴殿由內朝以從揭雞竿布  
大澤則升丹鳳之西南隅外賓客進見於麟德則止直

禁中以俟凡大誥令大廢置丞相之密畫內外之密奏上之所甚注意者莫不專受專對他人無得而參非自異也法不當言用是十七年之間由鄭至杜十一人而九參天政其不至者衛公詔及門而返事適然也

禁省中備

傳其事

至於張則弄相印以俟其病間者久之卒不興命也已若此則安可以昧陋不肖之稔繼居九丞相二名卿之後乎俛仰瞻睹如遭大賓每自誨其心曰以若之不俊不明而又使欲惡歌曲攻於內且決事於冥冥之

中無暴揚報效之慮遂愈行私易也然而陰潛之神必有記善惡之餘者以君父之遇若如是而猶舉枉措直可乎哉使若之心忽而為他人盡數若之所為而終不自愧乃可矣昔魯恭王餘畫先賢於屋壁以自警臨我以十一賢之名氏豈直自警哉由是謹其遷授書於座隅長慶元年八月十日記

鄭綱貞元二十一年二月自司勳員外郎翰林學士拜中書舍人賜紫金魚袋充其年十月二十七日拜中書

侍郎同中書門下平章事集賢殿大學士

李吉甫永貞元年十二月二十四日自考功郎中知制  
誥入院二十七日正除仍賜紫金魚袋充元和元年加  
銀青光祿大夫二年正月二十一日拜中書侍郎同中  
書門下平章事

裴均元和二年四月十六日自考功郎中知制誥翰林  
學士賜紫金魚袋拜中書舍人充三年四月二十五日  
出院拜戶部侍郎其年冬拜中書侍郎平章事

衛次公元和三年六月二十五日以兵部侍郎入院充  
七月二十三日加知制誥四年三月改太子賓客出院  
後拜淮南節度使

李絳元和四年四月十七日自主客員外郎翰林學士  
拜司勳員外郎知制誥充五月十九日賜紫金魚袋五  
年五月五日遷司勳郎中知制誥十二月正除六年二  
月二十七日出院拜戶部侍郎其年十月拜中書侍郎  
平章事

崔羣元和六年二月四日以庫部郎中知制誥翰林學士賜緋魚袋充七年四月二十九日正除九年六月二十六日出院拜戶部侍郎十二月拜中書侍郎平章事王涯元和十一年正月十八日以中書舍人入院充二十四日賜紫金魚袋十月十七日拜工部侍郎知制誥十二月十九日拜中書侍郎同中書門下平章事

令狐楚元和十二年二月二十四日以職方郎中知制誥翰林學士賜緋魚袋充三月二十日正除八月四日

出守本官後自河陽節度拜中書侍郎平章事

張仲素元和十三年二月十八日以司封郎中知制誥翰林學士仍賜紫金魚袋十四年三月二十八日正除其年卒官贈禮部侍郎

段文昌元和十五年閏正月一日以中書舍人翰林學士與杜元穎同承旨仍賜紫金魚袋八月拜中書侍郎同中書門下平章事

杜元穎元和十五年閏正月一日以司勳員外郎翰林

學士充賜紫金魚袋二十一日正除十一月十七日拜  
戶部侍郎知制誥長慶元年二月十五日以本官同中  
書門下平章事

元稹長慶元年二月十六日自祠部郎中知制誥行中  
書舍人翰林學士仍賜紫金魚袋其年十月十九日拜  
工部侍郎出院二年二月拜本官平章事

李德裕長慶元年正月二十九日以考功郎中知制誥  
翰林學士賜緋魚袋二月四日遷中書舍人充餘如故



十九日改御史中丞出院

李紳長慶二年二月十九日自司勳員外郎知制誥翰林學士賜緋魚袋遷中書舍人充二十三日賜紫金魚袋三年三月二十七日改御史中丞出院

韋處厚長慶四年二月十三日以侍講學士權知兵部侍郎知制誥賜紫金魚袋為翰林學士充十月十四日正拜兵部侍郎餘如故寶曆元年十二月十七日拜中書侍郎平章事

翰苑羣書卷二

欽定四庫全書

翰苑羣書卷三

宋 洪遵 編

韋處厚翰林學士記

魏晉已後典綜機密政本中書詔命辭訓皆必由焉唐  
有天下因襲前代爰自武德時有密命則溫大雅魏徵  
李百藥岑文本之屬視草禁中乾封則劉懿之周思茂  
范履冰之倫秉筆便坐自此始號北門學士皆自外召  
入未列秘書玄宗開廣視聽搜延俊賢始命張說陸堅

張九齡徐安貞輩待詔翰林厥後錫以學士之稱蓋由  
德成而上與夫數術曲藝禮有所異也逮自至德台輔  
伊說之命將壇出車之誥霈洽天壤之澤導揚顧命之  
重議不及中書矣尺一旁午章奏聚至指縱命中之略  
謀猷幃幄之祕陰隲造化嘉猷密勿制萌乎將然事構  
乎無形皆歸元后而播興運循名跡者莫窺其轍想風  
彩者罔究其端誰然誰否無得而稱矣貞元中由此而  
居輔弼者十有二焉元和中由此而膺大用者十有六

焉近日丞相府不由內庭者斷國論宰法度雖有利器  
長材未免缺折掉撓建中以來簡拔尤重故必密如孔  
光博如延州文如卿雲學如歆向器如黃顏直如史魚  
然後得中第士之遊心處己景行於六如者而又飾之  
以潔瑤璋之行貫金石之誠雖潛聲匿迹莫能脫口漢  
時始置尚書郎五人平天下奏議分直建禮舍香握蘭  
居錦帳食大官則今之翰林名異而實同也時論以為  
登玉清翔紫霄豈蓬山瀛洲而足喻乎齊桓納廢人編

棧之說以為直木傳直則曲無由至曲木傳曲則直無由至後之君子戴明聖協盛時推廢人之規矩乎引賢使如貫珠駢璧則瑕瑜不雜矣內給事李常暉內謁者將王士玖並掌院事近乎十年與直徇公之議聆於中書舍人杜元穎兵部侍郎沈傳師洎諸學士皆涉歷歲久備乎前聞者也李常暉以北閣舊記室別堵殊義非貫通改於前廳時以為便上聖紹復墜典留神太古處厚與司勳郎中路隋職參侍講通籍近署紀述之事前

託沈傳師沈公以為稱善之在已不若使其在人讓于  
處厚固陋無以辭時皇帝統臨四海之初元也

翰苑羣書卷三



欽定四庫全書

翰苑羣書卷四

宋 洪遵 編

韋執誼翰林院故事

翰林院者在銀臺門內麟德殿西重廊之後蓋天下以  
藝能伎術見召者之所處也學士院者開元二十六年  
之所置在翰林院之南別戶東向考視前代即無舊名  
貞觀中祕書監虞世南等十八人或秦府故寮或當時  
才彥皆以弘文館學士會於禁中內參謀猷延引講習

出侍輿輦入陪宴私十數年間多至公輔當時號為十八學士其後永徽中黃門侍郎顧琮復有麗正之稱開元初中書令張說等又有集仙之目皆用討論未有典司玄宗以四奧大同萬樞委積詔勅文誥悉由中書或慮當劇而不周務速而時滯宜有偏掌列於宮中承導通言以通密命由是始選朝官有詞藝學識者入居翰林供奉別旨於是中書舍人呂向諫議大夫尹愔首充焉雖有密近之殊然亦未定名制詔書敕猶或分在集

賢時中書舍人張九齡中書侍郎徐安貞等迭居其職  
皆被恩遇至二十六年始以翰林供奉改稱學士由是  
遂建學士俾專內命太常少卿張洎起居舍人劉光謙  
等首居之而集賢所掌於是罷息自後給事中張淑中  
書舍人張漸實華等相繼而入焉其外有韓翃閻伯璵  
孟匡朝陳兼蔣鎮李白等在舊翰林中但假其名而無  
所職至德以後軍國務殷其人直者並以文詞共掌誥  
敕自此北翰林院始無學士之名其後又置東翰林院

於金鑾殿之西隨上所在而遷取其便穩大抵召入者  
一二人或三四人或五六人出於所命蓋無定數亦有  
鴻生碩學經術優長訪對質疑主之所禮者頗列其中  
崇儒也初自德宗建置以來秩序未立廷覲之際各趨  
本列暨貞元元年九月始有別敕令明預班列與諸司  
官知制誥同列故事中書以黃白二麻為綸命重輕之  
辨近者所出獨得用黃麻其白麻皆在北院自非國之  
重事拜授將相德音赦宥則不得由於斯稽夫發揮大

猷藻繪上命隻簡片削可以動乎人神風行四方萬里  
始覲非制誥之謂歟蓋人君深拱端默於穆清之中茫  
茫九區視聽不及雖堯德舜智湯明禹哲不能庭策以  
朝告不能家閱以戶臻必欲忘典謨掩訓誓陰諭於天  
下密符於曾襟洪荒以還所蔑聞也故議定於內而事  
修於外言發於上而旨達於人微乎斯百度闕矣况此  
院之置尤為近切左接寢殿右瞻彤樓晨趨瑣闥夕宿  
嚴衛密之至也驂鑣得御殿之駿出入有內使之導豐

儲潔膳取給大官衾裯服御資於中庫恩之厚也備待  
顧問辨駁是非典持謙牘受遣羣務凡一得失動為臧  
否職之重也若非謹恪而有立秉貞而通理俾又樞要  
簡於帝心言不及溫樹之名慎不遺轅馬之數處是職  
者不亦難乎至於強學修詞刀筆應用或久洽通儒之  
望或早升文墨之科雖必有之乃餘事也自立院已往  
五紀於茲連飛繼鳴數逾三十而屋壁之間寂無其文  
遺草簡略於枿編求名時得於邦老溫故之義於斯闕

如羣公以執誼入院之時最為後進紀敘前輩便於列  
詞收遺補亡敢有多讓其先後歲月訪而未詳獨以官  
秩名氏之次述於故事庶後至者編繼有倫貞元二年

龍集景寅冬十月記

開元已後

呂向

自中人充供奉  
出為工侍

尹愔

自大諫  
充供奉

劉光謙

自起人充累  
改司中又充

張珀

自太常卿充  
盧谿郡司馬

張淑

自給  
中充

張漸

自中  
人充

寶華

自中人充

裴士淹

自給中充  
出為禮侍

至德已後

董晉

自校書郎充  
出為汾州司馬

于可封

自補闕充  
出為司業

蘇元明

自中書舍人充

趙昂

自太博充  
祠外又充卒於駕外

潘炎

自五驍衛兵曹充  
累改駕中又充中人  
又充出守本官

寶應已後

常袞

自補闕充  
遷考中又充出知制誥

柳伉

自校書郎充  
出鄜縣尉改太博又充兵外

又充大諫又充尋丁憂

于益

自駕部員外充  
大諫又充卒



張涉

靖恭太子廟丞充遷  
左省常侍又充卒

于肅

自比外充考中又  
充給中又充卒

建中已後

張周

自洛陽尉充改河南縣丞又充  
改兵曹又充改虢州司馬又充

姜公輔

自拾遺充改京兆府尹  
書又充遷大諫平章事

趙宗儒

拾遺充屯外又  
充出守本官

歸崇敬

司業充常侍又充  
戶曹又充工書又

充兵書  
致仕

貞元已後

陸贄

祠外充考中又充大諫又充  
中人又充丁憂權兵侍又充

吳通微

金外充職中又充知誥又充賜紫改大諫又充與通玄是兄弟

吳通玄

侍御史充起人又充又知制誥又賜紫又大諫充並同年月日授

顧少連

水外充禮中充又中人充出為戶侍

吳陟

起郎充病不入

吉中孚

司封郎中知誥充大諫又充出為戶侍判度支

韋執誼

拾遺充又知制誥又賜緋又起人充

梁肅

補闕兼太子侍讀充

韋綬

補闕充

鄭綱

封外知誥充賜緋

鄭餘慶

庫中充

衛次公

補闕內供奉充

李程

察院充水外又充

王涯

藍田尉充補闕供奉又充

張聿

正字充拾遺又充

李建

校書郎拾遺充出為府司直

凌準

浙東判官充都外又充出判度支

王叔文

起人充出為度支副使

王伾

翰林侍詔充改常侍賜紫

李吉甫

裴垍

元和已後

李絳

東臺察院充水外又充中人又充出為戶侍改中書侍郎平章事

崔羣

補闕充庫外又充郎中又充中人又充出為禮部侍郎

白居易

蓋厓尉授集賢校理充拾遺又充京北府戶曹又充

錢徽

左補闕充祠外又充中人又充出守本官

韋弘景

獨孤郁

補闕充病拜秘書少監卒贈絳州刺史

蕭倪

駕中充又加知制誥出守本官

劉從周

補闕充卒贈禮部員外

徐晦

都外充賜緋封中又充出守本官

令狐楚

職外知誥充又賜緋郎充中人又充出守本官

郭求

藍田尉授集賢校理充拾遺又充出守本官

王涯

中書舍人充又賜緋

段文昌

祠部員外充

張仲素

禮部員外充

杜元穎

太博充拾遺又充

沈傳師

補闕充

李肇

監察御史充御



翰苑羣書卷四

欽定四庫全書

翰苑羣書卷五

宋 洪遵 編

翰林學士院舊規

按閣下本作李愚唐志并崇文總目作楊鉅今以史為正

初入倮直例

諸行尚書三十五左右丞侍郎四十常侍諫議給事舍  
人四十五諸官知制誥五十如諫議知郎四十五太常  
少卿諸行郎中五十五諸行員外起居侍御史六十殿  
中補闕六十五監察拾遺太常博士七十五四赤令雜

人入一百未升朝一百二十白身一百四十前資各加  
五直初入轉官三十直已後每轉一直改服色一直初  
知制誥三直已上遇本直更僦一日每新人入五僦三  
直一點自後兩直一點兩人齊入即無點初入亦須酌  
量都僦直數足三直多少

草麻例

新入學士須見舊學士草麻了方合當制已後即據草  
制遠處即當制草第一第三更有此並以命官高卑不次



不繫學士官位如當制日遇將相名姓與私諱同者即請同直替草遠諱不在此限

草書詔例

唐天復三年七月二十一日學士柳璨准宣於思政殿對便令到院宣示待詔自今後寫勅書後面不得留空紙

號簿例

不得有行坐人字及諸凶惡文字及廟諱官諱事

承旨歷

並先賢生狀若干道遺書詔事休上歷及署名並記官  
位次第不得記私事應入內草文書只言某乙准宣入  
內不得言所草文書仍須直書并州府去處以防宣索

判公解例

在院最小學士判

書詔樣

凡外藩奏事專使若是都押衙都虞候即言都押衙都

虞候某乙至其餘一例言軍將某乙若是幕府官即一  
例言判官某乙至如是步奏官即言奏事官某乙至若  
是進奏官即空言省所奏如是自奏事回書即言具悉  
若因人奏事賜書詔即不言具悉詔內呼卿後定故茲  
詔示想宜知悉急詔便言故茲急詔  
密詔便言故茲密詔已下語及時候待  
詔院有例書內呼汝後言故茲示諭如賜諸蕃鎮將校  
及內外八鎮將校書則書頭具本職名賜諸王詔如是  
兄叔不呼名卿處改為王賜國舅詔官敕某官舅呼卿

處改呼舅如是國舅駙馬不繫官位高卑並賜詔近准  
中書記事國舅詔內捨族呼名諸王新婦只言某國夫  
人某氏若中書覆狀內有云中書門下行敕處分其詔  
語不得與覆狀詞同末云餘從別敕處分或命官宣示  
亦云今授某官已後從別敕處分賜節度使及三軍將  
士敕書云敕某乙三兩聯  
便云將士等及獎將士三  
故具言宣慰事  
意其除授節使或發兵尾云專遣某乙若賜官告即云  
專官使告使例  
云等往彼  
宣賜下云便令慰諭想宜知悉時候卿與將士各得平

安好參佐官僧道耆壽百姓並存問之遺書指不多及  
非節祭不同參佐出師在外不問僧道已下

祠祭祈賽例

南郊維年月日嗣天子臣署敢昭告於昊天上帝之靈  
北郊嗣天子臣署敢昭告於

五帝嗣天子臣署敢昭告於青帝之靈諸帝各依方色

太廟稱孝子孝孫皇帝臣署敢昭告於云云及廟號  
依並

前項亦云  
敢昭告於

太社太稷各一本稱天子署敢昭告於太社之靈已上  
後尾並云伏惟尚饗

五嶽維年月日皇帝署遣某官某乙致祭於祈禱即云

告賽謝即云昭賽於某王尾只云尚饗自新朝署各  
應例不署

東嶽天齊王 中嶽中天王 西嶽金天王 南嶽司

天王 北嶽安天王

四瀆惟不御署其餘並同五嶽

江瀆廣源公 河瀆靈源公 淮瀆廣潤公 濟瀆清

源公

九宮貴神

太一 天一 攝提 咸池 軒轅 招搖 天符

青龍 太陰

已上並云年月朔嗣天子不稱臣謹遣某官某祭於某  
貴神之靈尚饗

風師 雷師 雨師 諸星帝

北郊岳鎮海瀆

惟此一處皇祭其餘並同一板風神已  
下只云皇帝遣某致祭某之神尚饗

已上並是舊例為水旱災異祈禱處其諸色神祠特救  
賽而臨臨時酌量輕重發遣

道門青詞例

維某年月歲次某月朔某日辰嗣皇帝臣署謹差某銜  
威儀某大師賜紫某處奉依科儀修建某道場幾日謹  
稽首上啓虛無自然元始天尊太上道君太上老君三  
清衆聖十極靈仙天地水三官五嶽衆官三十六部衆  
經三界官屬宮中大法師一切衆靈臣聞云云尾云謹



詞

天皇大帝表

亦使表紙

維某年歲次某月朔某日嗣天子署謹醮告於天皇大帝伏以

北極尊神已下醮下

使白紙者

維年月同正嗣皇帝署謹致醮於北極尊神及日月七耀二十八宿諸位星辰等伏以云云尾尚饗

祭諸色神祇文

使白紙與北極文同時發遣

維年月日皇帝遣陰陽官某乙致祭於五嶽四瀆天曹

地府諸龍等

稱朕云云

尾尚饗

祭本命元神

維年月日皇帝遣陰陽官某乙致祭於本命元神

稱朕云云

尚饗

恩賜近例

不錄

皇帝遷歸西都應岳鎮海瀆名山大川及州府靈迹封

崇神祠祭告

中嶽嵩山中天王 東嶽岱山天齊王兗州界 西嶽  
華山金天王在華州 北嶽恒山安天王在定州界  
南嶽衡山司天王在衡州界

北鎮醫無閭山廣寧公在營州界 西鎮吳山感德公  
在隴州界 東鎮沂山東安公在沂州界 南鎮會稽  
山永興公在越州界 東海廣德王在萊州界 西海  
廣潤王在河中界 南海寧邦王在廣州界 北海廣  
澤王在益州界 東瀆大淮廣潤公在泌州界 西瀆

大河靈源公在河府界 北瀆大濟清源公在孟州界

南瀆大江廣源公在廣都府界

右前件一十七處准中書覆狀錄到勘同

待詔院當院伏見舊例答蕃書并使紙及寶函  
等事例

新羅渤海書頭云勅某國云王著姓名尾云卿比平安  
好遣書指不多及使五色金花白背紙次寶函封使印  
點夏斯書使紙并寶函與新羅一般書頭云勅點夏斯

著姓名尾云卿比平安好遣書指不多及使印回鶻天  
睦可汗書頭云皇帝舅敬問回鶻天睦可汗外甥尾云  
想宜知悉時候卿比平安好將相及部族男女兼存問  
之

下同前使印如冊可汗即首云勅  
某王子外甥尾云問部族男女等

契丹書頭云勅契

丹王阿保機尾云想宜知悉時候卿比平安好

下同點  
夏斯也

舊使黃麻紙平使印自為朝宣令使五色牋紙并使印

及次寶鈿函封

自僭稱神號奏事多繫軍機所  
賜中書內改例從權院中無樣

牒牒書

頭云勅牒牒著姓名尾云想宜知悉時候卿比好否遣

書不多及五色牋紙不使印退渾党項蕃使首領書頭

云勅與牂牁一般使黃麻紙不使印賜國舅詔

著姓名呼卿新

例不著姓名

諸州刺史書呼汝南詔驃信書頭云皇帝舅敬

問驃信外甥尾與回鶻書一般至不多及後具四相銜  
名書勅一般此一件是故待詔李部云僖宗在西川日  
曾行此書使白紙亦使印

光院例

承旨尚書左丞知制誥陸扆撰詞榜於玉堂貴調金匱

解視草之煩勞出擁碧幢釋援臺之羈束固人臣之極  
致亦翰墨之殊榮至於察風俗於一方掌貨泉於三使  
其為書也抑又次焉各率金錢以光玉署列之如右

將相各三百千

使相五百千

觀察使三百千

度支使二百千

鹽鐵二百千

戶部一百千

制下一日送  
入院充公用

對見儀

大殿對蕃客承旨殿下祝聖德蹈舞訖喚上殿各奏事

如其日中候舞訖便出行例如初入上殿更曲謝殿上並不蹈舞先於殿西北隅立候客省奏某乙等到殿上云喚客省使遞聲云喚即鞠躬高唱喏趨至庭前立即拜拜即說承旨致詞又拜拜訖舞蹈舞蹈訖又拜如中謝便於本立處拜及舞蹈更不歸行小殿中謝並不喚上便出如賜服色却喚宣了拜且出服訖却入致詞謝非時詔及樓上祇候並拜了稱聖躬萬福便止不別致詞五月一日及大殿稱慶賀正至立仗准臺牒外赴班



即立於中書相公之後左省班前自為一班如有使相  
後進並同兩省回於中書見宰相懋止並在  
客人院內應正至五  
月一日如不坐並齊入院進名奉賀具銜旨銜某乙等  
奉賀五月一日云起居大忌並齊入奉進名奉慰

### 沿革

大順二年十月宣每進畫詔書別錄小字本首留內承  
為定式乾寧三年加階爵止於進狀不中謝

舊例宰相及使相官告並使五色背綾金花紙節度使

並使白綾金花紙命婦即金花羅紙乾寧二年十月李  
鋌自黔南節相改授京兆尹兩度諮報中書使白綾紙  
十一月渤海國王大璋詣勅書院中稱加官合是中書  
意諮報中書乾寧三年承旨膀子凡中書覆狀奉錢物  
如賜詔徵促但畧言色額其數目不在言但云並從別  
勅處分中書覆狀如云中書門下行勅其詔語不得與  
覆狀語同每降制抄小字錄一本送樞密院

學士請假

應學士請假七日一度奏經三奏即自奏即自進章表


陳某乙

乾寧四年二月十四日冊皇太子出就班賀禮畢又上

表賀并上皇太子牋

云某等叩頭伏承某伏惟殿下云云謹奉牋陳賀某等叩頭謹牋年

月日秋首銜某等上牋封題云具銜某等上牋



翰苑羣書卷五

欽定四庫全書

史部  
翰苑羣書卷  
九六至

詳校官太常寺少卿臣陳桂森

編修臣程嘉謨覆勘

覆校官中書臣汪師曾

校對官中書臣王家賓

謄錄監生臣陳炳

欽定四庫全書

翰苑羣書卷六

宋 洪遵 編

丁居晦重修承旨學士壁記

尚書元稹承旨學士廳記舊題在東廡之右歲月滋久日燦雨潤牆屋罅缺文字昧沒不稱深嚴之地院使郭公王公皆以茂器精識參掌院事顧是言曰吾儕釐務罄盡心力細大之事人謂無遺而茲獨未暇使衆賢名氏翳不光耀失之不治後誰治之遂占工賦程不日而

成峭學乎粉繪耀明玉粹雲輕隨顧而生貫列豪英千  
十萬齡無缺無傾工告休命予紀完葺之美舊記所載  
今皆不書開成表號之二年五月十四日記學士姓名  
此本據院中壁上寫並無大曆天寶學士姓名

開元後八人

呂向

中書舍人充供奉  
出院拜工部侍郎

尹愔

諫議大夫充

劉光謙

起居舍人  
充累遷司

封郎中張洎

張洎

太常  
卿充

張淑

給事  
中充

張漸

中書  
舍人充

竇華

中書  
舍人充

裴

士淹

給事中  
知制誥

至德後四人

相董晉

秘書省校書郎充

于可封

補闕充遷禮部員外郎知制誥除國子司業出院

蘇

源明

中書舍人充出守本官

潘炎

右驍衛兵曹充累遷中書舍人出守本官

寶應後六人

相常袞

右補闕充累加工部員外郎知制誥出守本官

柳伉

秘書省校書郎充累加太常博士諫

議大夫

張涉

靖陵太子廟丞充累遷左散騎常侍依前充救停

李翰

左補闕充

于肅

比部員外郎充累遷考功郎中給事中知制誥並依前充

于益

建中後八人



張周

大歷十四年六月自洛陽縣尉充建中二年改河南府兵曹參軍興元二年六月除虢州司馬依前

充相姜公輔

建中元年自左拾遺充四年四月改京北府戶曹參軍拜諫議大夫平章事

趙宗儒

建中元年自左拾遺充四年加屯田員外郎依前充十一月出守本官

歸崇敬

建中

元年自國子司業充四年遷左散騎常侍貞元七年六月除檢校戶部尚書兼本官七月遷正工部尚書依前充八年除兵部尚書致仕

相陸贄

建中四年三月自祠部員外郎充其年十一月轉考功郎中興元二

年六月遷諫議大夫十二月轉中書舍人貞元三年丁憂六年遷兵部侍郎又加知制誥七年出守本官

通微

建中四年自金部郎中充累遷中書舍人賜紫金魚袋卒官

吳通玄

建中四年自侍御史

充累遷起居舍人諫議大夫賜紫金魚袋

顧少連

建中四年自水部員外郎充貞元四年二月加知制

誥七年遷中書舍人八年四月  
改戶部侍郎賜紫金魚袋出院

### 興元後二人

奚陟

興元元年自起居郎充病免

吉中孚

興元元年自司封郎中知制誥充六月改諫議大夫

貞元二年遷戶部侍郎出院

### 貞元後十二人

相常執誼

貞元元年自左拾遺充二月加知制誥賜緋魚袋遷起居舍人丁憂

梁肅

貞元七年

自左補闕充兼皇太子侍讀守本官兼史館修撰

常綬

貞元七年自左補闕充十六年十月丁憂

相

鄭綱

貞元八年自司魚員外郎知制誥充五月賜紫金魚袋二十一年二月二十二日遷中書舍人賜紫金

魚袋十二月拜中書侍郎平章事  
**相鄭餘慶** 貞元八年四月二十四日  
自庫部員外郎充十三年

五月二十八日遷工部侍郎知吏部選事  
**衛次公** 貞元八年四月二十日自  
左補闕充二十一年二月

二十二日加司勳員外郎賜緋魚袋三月十七日  
日知制誥元和三年正月權知中書舍人出院  
**相李程**

貞元二十年九月二十七日自監察御史充二十一年  
三月十七日加水部員外郎元和九年九月加朝散大

夫賜緋魚袋二年四月二十一日轉司勳員外郎二  
年七月二十三日知制誥其年出院授隨州刺史  
**張**

**聿** 貞元二十年九月二十七日自祕書省正字充二十  
一年三月十七日遷左拾遺元和元年十一月加朝

散大夫賜緋魚袋二  
**李建** 貞元二年十二月二十二日  
年正月出守本官自祕書省校書郎充二十一

年三月十七日遷左  
**凌準** 貞元二十一年正月六日自  
拾遺改詹事府司直侍御史充三月十七日改都

官員外郎五月九日  
出守本官判度支  
王叔文  
貞元二十一年二月二十

十六日以本官加度支鹽鐵轉運副使  
十四日遷戶部侍郎餘依前丁憂  
貶渝州司戶參軍  
王

伍  
貞元二十一年二月二日自  
散騎常侍充貶開州司戶

### 永貞後二人

相李吉甫

永貞元年十二月二十四日自考功郎中知  
制誥充二十七日遷中書舍人賜紫金魚袋

元和元年十二月加銀青二年正月  
月二十一日拜中書侍郎平章事  
相裴均  
永貞元年十月二十五

日自考功員外郎充二十七日遷考功郎中知制誥賜  
緋魚袋元和元年十一月加朝散大夫賜紫二年四月

十六日遷中書舍人三年四月  
二十五日出院拜戶部侍郎

元和後二十四人

相李絳

元和二年四月八日自監察御史充加主客員外郎四年四月十七日加司勳員外郎知制誥

五月十九日賜緋五年五月五日加司勳郎中依前充十一日遷中書舍人賜紫六年二月二十七日出院拜

戶部相崔羣

元和二年十一月六日自左補闕充三年四月二十八日加庫部員外郎五月五日

加庫部郎中知制誥十二月賜緋七年四月二十九日遷中書舍人九年六月二十六日出院拜禮部侍郎

白居易

元和二年十一月六日自藍屋縣尉充三年四月二十八日遷左拾遺五年五月五日改京兆

府戶曹參軍衛次公

元和三年六月二十五日自權知依前充丁憂

制誥四年三月出院除太子賓客

錢徽

元和三年八月二十六日自祠部員外郎充六年四月二十五

日加本司郎中八年五月九日轉司封郎中知制誥十  
一月賜緋十年七月二十三日遷中書舍人十一年出  
守本官 常弘景 元和四年七月一日自左拾遺集賢院直  
學士充九月轉左補闕七年二月五日遷  
司門員外郎八年十月 獨孤郁 元和五年四月一日自右  
月二十日出守本官 補闕史館修撰改起居郎  
充九月出 相蕭俛 元和六年四月十二日自右補闕充  
守本官 十一月二十四日加駕部郎中十  
二月十日加知制誥十二日賜緋 劉從周 元和八年七  
自左補闕 獨孤郁 元和八年十二月二十二日自駕部  
闕充卒 郎中知制誥充病免改秘書少監 徐  
晦 元和九年七月二十三日自東都留守判官都官員  
外郎充十年七月二十三日轉司封郎中十二年二  
月十一日相令狐楚 元和九年七月二十五日自職方  
出守本官 員外郎知制誥充十二月十一日

賜緋十一月七日轉本司郎中十二年郭求 <small>元和十一月</small>	三月遷中書舍人八月四日出守本官	六日自藍田尉史館修撰充八月	遷左拾遺十一月八日出守本官	張仲素 <small>元和十一年</small>	自禮部郎中充十三年正月十二日加司封郎中知制	語二月十八日賜紫十四年三月二十八日遷中書舍	人卒官贈相段文昌 <small>元和十一年八月十五日自祠部</small>	禮部侍郎	本司郎中二月十八日賜緋十四年四月加知制誥十	五年正月二十三日遷中書舍人閏正月一日賜紫八	日拜中書侍	郎平章事	沈傳師 <small>元和十一年二月十三日自左補</small>	郎	日遷司門員外郎二月十八日賜緋十五年正月二十	三日加司勳郎中閏正月一日賜紫二十一日加兵部	郎中知制誥長慶元年二月二十四日遷中	書舍人二月十九日出守本官判史館事	相杜元穎
--	-----------------	---------------	---------------	--------------------------	-----------------------	-----------------------	---------------------------------------	------	-----------------------	-----------------------	-------	------	----------------------------------	---	-----------------------	-----------------------	-------------------	------------------	------

元和十二年閏月十三日自太常博士充二十日改右  
補闕閏月十八日賜緋十四年三月二十一日加司勳  
員外郎十五年閏正月一日賜紫二十一日遷中書舍  
人十一月十七日遷戶部侍郎知制誥長慶元年二月  
十五日以本**李肇**元和十三年七月十六日自監察御  
官拜平章事**李肇**史充十四年四月五日遷右補闕九  
月二十四日賜緋十五年閏正月一日賜紫二十一  
日加司勳員外郎長慶元年正月十三日出守本官**相**  
**李德裕**元和十五年閏正月十三日自監察御史充二  
月一日賜紫二十日加屯田員外郎長慶元年  
三月二十三日改考功郎中知制誥二年正月二十九  
日加承旨二月四日遷中書舍人十九日改御史中丞  
出**相李紳**元和十五年閏正月十三日自右拾遺內供  
院**李紳**奉充二月一日賜緋二十日遷右補闕長慶  
元年三月二十三日加司勳員外郎知制誥二年二月  
十九日遷中書舍人承旨二十五日賜紫三月二十七



日改中庾敬休

元和十五年閏正月十三日自禮部員外郎充二月一日賜緋二十一日加左

司郎中長慶元年十月二十一日出守本官

相常處厚

元和十五年二月二十四日自戶部郎中

知制誥充侍講學士三月十日賜緋二十三日遷中書舍人長慶二年五月六日賜紫閏十月八日加史館修

撰三年十月二十三日權兵部侍郎知制誥依前侍講學士兼史館修撰四年十月二十三日加承旨十月十

四日正拜兵部侍郎寶曆二年十月十日遷中書侍郎平章事相路隋元和十五年二月二十四

日自司勳員外郎史館修撰充侍讀學士三月十日賜緋二十二日轉本司郎中長慶二年五月四日遷諫議

大夫閏十月八日加史館修撰四年四月十四日改充學士五月二十四日賜紫二十七日拜中書舍人寶曆

二年正月八日遷兵部侍郎知制誥太和柳公權元和二年二月二十七日拜中書侍郎平章事

年三月二十三日自夏州觀察判官試太常寺協律郎  
拜右拾遺賜緋充侍書學士長慶二年九月改右補闕  
四年出  
守本官

### 長慶後七人

相元稹

長慶元年二月十六日自祠部郎中知制誥充  
仍賜紫十七日拜中書舍人十月遷工部侍郎

出高鉞

長慶元年十一月八日自起居郎史館修撰充  
二十八日賜緋二年五月三日加兵部郎中三

年十一月十七日遷戶部郎中知制誥四年五月二十  
四日賜紫十二月十二日拜中書舍人寶曆二年三月

四日出守本官蔣防  
長慶元年十一月十六日自右補闕充二  
十八日賜緋二年十月九日加司封員外

郎三年三月一日加知制誥常表微  
長慶二年二月二  
四年二月六日貶汀州刺史日自監察御史充

四日賜緋五月三日遷右補闕內供奉三年九月三十日拜庫部員外郎四年五月二十四日賜紫二十七日加知制誥寶曆元年五月二十五日拜中書舍人二年正月遷戶部侍郎知制誥大和二年二月二十八日加承旨三年八月二十日遷左補闕三年三月一日加知制誥十月十四日賜紫十一月九日拜駕部郎中知制誥四年二月六日貶信州刺史崔郾長慶四年六月七日自給事中侍講學士十二守本官高重長慶四年六月四日自司門郎中充侍講學官士十二月十一日遷諫議大夫寶曆二年正月六日改給事中出守本官

寶曆後二人

王源中

寶歷元年九月二十四日自戶部郎中充十一月二十八日賜紫二年正月二十八日權知中

書舍人大和二年二月五日正拜十一月五日遷院相宋  
戶部侍郎知制誥十二月加承旨八年四月出院

申錫

寶歷元年九月二十四日自禮部員外郎充侍講學士十一月二十八日賜紫十二月十九日政充

學士二年正月八日遷戶部郎中知制誥大和三年六月一日遷中書舍人四年七月七日遷尚書右丞出院

大和後二十人

鄭澣

大和元年四月二十三日自中書舍人充侍講學士二十八日賜紫二年六月一日遷禮部侍郎出

院許康佐

大和元年四月二十三日自度支郎中改駕部郎中充侍講學士其月二十八日賜紫二

年六月一日遷諫議大夫三年八月二十三日政充學士四年八月二十七日政中書舍人充侍講學士兼侍

講七年七月二十五日改戶部侍郎知制誥八年五月五日加承旨九年五月五日改兵部侍郎出院

李讓夷

大和元年十二月二十二日自左拾遺改史館修撰六月二十七日賜緋二年二月五日遷左

補闕三年十一月五日加職方員外郎五年九月十六日守本官出院 柳公權 大和二年

一月二日自司封員外郎充侍書學士二十三日賜紫十一月二十一日改庫部郎中五年七月十五日改右司郎

院中出 丁公著 大和三年四月二十六日自禮部尚書充侍講學士改正戶部尚書浙西觀察使

相崔鄆

大和三年五月七日自考功郎中充八月十二日加知制誥四年九月十六日拜中書舍人六

年以疾陳請 相鄭覃 大和三年九月二十一日自右散出守本官 駢常侍充侍講學士四年三月三

十日改工部尚書六 路羣 大和三年九月二十一日自月十七日出守本官 右諫議大夫充侍講學士四

年八月二十七日改充學士五年九月五日  
改中書舍人七年十二月十七日出守本官薛廷老

四年自御史充五年九月相李珣  
四日改刑部員外郎出院大和五年九月十九

制詰充三月二十三日賜紫二十八日拜中書舍人九  
年五月六日加承旨十九日遷戶部侍郎知制詰八月

五日賤江相鄭覃  
州刺史大和六年三月十四日自工部尚書

史大夫相陳夷行  
出院大和七年自吏部員外郎充八月二

侍讀八年九月六日賜緋七日遷諫議大夫九年二月  
十六日罷侍讀開成元年五月二十二日改太常少卿

二十九日兼太子侍讀其年五月二十三日加承旨六  
月二十四日遷工部侍郎知制詰八月七日賜紫二年

四月五日出守使相鄭涯  
本官平章事大和七年四月八日自左補

員外郎十六日賜緋九年十一月十九日  
加知制誥十二月十五日守本官出院  
高重 大和七年十月

十二月十二日自國子祭酒充侍講學士九年  
九月十八日改御史大夫鄂岳觀察使元晦 大和八年  
八月九日

自殿中侍御史充九月十六日賜緋九年八月  
二十日加庫部員外郎九月十一日出守本官柳公權

大和八年十月十五日自兵部郎中弘文館學士充侍  
書學士九年九月十二日加知制誥充學士兼侍書閣

成元年九月二十八日遷中書舍人二年四月改諫議  
大夫知制誥三年九月十八日遷工部侍郎知制誥加

承旨五年三月九日  
加散騎常侍出院  
丁居晦 大和九年五月三日自起  
居舍人集賢院直學士充

十月十八日賜緋十九日遷司勳員外郎開成二年九  
月十一日加司封郎中知制誥三年八月十四日遷中

書舍人十一月十六日歸融 大和九年八月一日自中書  
日拜御史中丞出院  
舍人充開年八月五日加承

旨八月二十日遷工部侍郎知制誥二十四日賜紫  
開成元年五月十五日出守本官兼御史中丞出院黎  
堧大和九年十月十二日自右補闕充開成二年二月  
十月加司勳員外郎三年正月十日加知制誥其年  
十二月十八日賜緋其月二十一日加兵部郎中四年  
十一月六日遷中書舍人五年二月一日賜紫三月十  
六日拜御史 袁郁大和九年十二月二十七日自禮部  
中丞出院 員外郎集賢院直學士充開成元年  
正月十四日轉庫部員外  
郎二年三月十一日丁憂

### 開成後十四人

柳璟

開成二年七月十九日自庫部員外郎知制誥充  
三年四月十四日加駕部郎中知制誥二月九日

遷中書舍人五年十月相周墀開成二年十二月二十五  
月改禮部侍郎出院日自考功員外郎知制誥



充三年十一月十六日加職方郎中四年九月十二日賜緋三月十三日改工部侍郎知制誥六月十日守本

官出相王起開成三年五月五日自工部尚書判太常院卿事充皇太子侍讀充侍講學士依前判

太常卿事充四年三月十二日授太子少師兼兵部尚書四月二日賜給少師俸料五年正月七日加金紫光

祿大夫守高元裕開成三年五月五日自諫議大夫充本官出院侍講學士八月十日出守本官兼光

祿大夫裴素開成三年十二月十六日自司封員外郎兼起居郎史館修撰充四年七月十三日加知

制誥五年二月二日賜緋六月遷中書舍人十一月加承旨賜紫十七日卒官贈戶部侍郎丁居晦

開成四年閏正月自御史中丞改中書舍人五年二月二日賜紫其年三月十三日遷戶部侍郎知制誥其月

二十三日卒官高少逸開成四年閏正月十一日自左贈吏部侍郎司郎中充侍講學士其年八月

一日遷諫議大夫五年正月  
李褒開成五年三月二十

二十七日賜紫守本官出院  
賢院直學士充其年六月轉庫部郎中知制誥十二月

十二日賜緋會昌元年五月拜中書舍人十二月加承  
旨六日賜紫二年五月  
周敬復開成五年三月三十日自

月十九日出守本官  
兵部員外郎知制誥充十  
二月十一日賜緋會昌元年二月十三日轉職方郎

中知制誥中書舍人二年九月十八日守本官出院相  
鄭朗開成五年四月十九日自諫議大夫充侍講學士

盧懿開成五年四月十九日自司封員外郎充侍講學

士其年四月賜緋會昌元年二月九日出守本官  
李訥開成五年七月五日自左補闕充會昌二年四月

十六日遷職方員外郎十一月二十一日賜緋三  
年四月相崔鉉開成五年七月五日自司勳員外郎充

守本官相崔鉉會昌二年正月十二日加司封郎中知

制誥其年九月二十七日加承旨賜紫十一月二十九日遷中書舍人三年五月十四日拜中書侍郎平章事敬皞開成五年十一月十六日自兵部員外郎史館修撰充會昌二年八月六日出守本官

會昌後八人

相韋琮

會昌二年二月十五日自起居舍人史館修撰充其年十月十七日加司勳員外郎三年五月

二十九日轉兵部員外郎知制誥四年四月十五日轉兵部郎中九月四日拜中書舍人並依前充魏扶

會昌二年八月八日自起居郎充三年四月二十五日賜緋五月二十九日加知制誥四年四月十五日轉考

功郎中九月四日拜相白敏中會昌二年九月十三日中書舍人並依前充自右司員外郎充其月

十五日改兵部員外郎十一月二十九日加知制誥三年五月二十九日轉職方郎中十二月七日加承旨賜

紫四年四月十五日拜中書舍人九月封敕會昌二年

四日遷戶部侍郎知制誥並依前充

日自左司員外郎兼侍御史知雜事充其月三日改駕部員外郎三年五月二十五日加知制誥四年四月十日

五日遷中書舍人九月四日遷工部侍郎知制誥依前充五年三月十八日三表陳乞蒙恩出守本官

徐商會昌三年六月一日自禮部員外郎充四年八月七日加禮部郎中知制誥其年九月四日遷兵部

郎中並孫穀會昌三年九月二十日遷起居郎依前充六年二月二十三日加兵部員外郎其年四月十五日浴殿賜緋

其月十七日守本官知制誥六月十日遷兵部郎中大中元年十二月七日加承旨恩政殿賜紫其月二十六日拜中書舍人二年七月六日特恩遷戶部侍郎知制

誥並依前充其年十二月二十日相劉瑒會昌六年六月四日除河南尹兼御史大夫

院	官	出	三	殿	賜	紫	其	月	六	日	特	恩	加	工	部	侍	郎	知	制	詔	十	二	月	二	十	三	日	守	本	管	諸	寨	宣	慰	使	依	前	充	五	年	五	月	守	本	官	出	院	裴	諗	會	十	八	日	守	本	官	兼	御	史	中	丞	充	西	討	伐	党	項	行	裴	諗	會	六	日	特	恩	加	司	封	郎	中	三	年	六	月	十	四	日	拜	中	書	舍	人	十	二	月	二	十	七	日	三	殿	賜	紫	並	依	前	充	四	年	十	一	月	二	日	特	恩	加	司	封	郎	中	三	年	六	月	十	四	日	拜	中	書	舍	人	加	職	方	員	外	郎	十	一	月	二	十	七	日	加	知	制	詔	二	年	七	月	御	史	充	七	月	九	日	三	殿	賜	緋	大	中	元	年	閏	三	月	十	二	日
---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---

大中後二十九人

相蕭鄴  
 大中元年二月二十六日自監察御史裏行充  
 十一月二十一日遷右補闕十二月二十七日

三殿賜緋二年七月六日特恩遷兵部員外郎十一月十三日加知制誥並依前充二年九月十四日責授

州刺史 宇文臨 大中元年閏三月七日自禮部員外郎充其年四月守本官出院 沈詢 大中

元年五月十二日自右拾遺集賢院學士充二年正月二日恩政殿召對賜緋其年七月六日特恩遷起居郎

並依前充十月十日 宇文臨 大中元年十二月八日守本官知制誥出院

十八日加知制誥二年正月二日恩政殿召對賜緋其年六月七日特恩遷中書舍人並依前充三年九月十

四日責授相令狐絢 大中二年二月十日自考功郎中復州刺史 知制誥充三年二月二十一日特

恩拜中書舍人依前充其年五月 鄭顥 大中三年二月二

月一日遷御史中丞賜紫出院 鄭顥 大中三年二月二  
年四月十日加知制誥閏十一月四日特恩遷右諫議  
大夫知制誥四年十月七日拜中書舍人依前充五年

八月二日授  
闕庶子出院  
鄭處誨  
大中三年五月二十日自監察御  
史裏行充七月十八日遷屯田員

外郎依前充  
閏十一月九日三殿召  
對賜緋四年八月五日守本官出院  
相崔慎由  
大中三年六月

八日自職方郎中知制誥充九月六日拜中  
書舍人依前充十二月九日守本官出院  
相令狐綯

大中三年九月十六日自御史中丞充前旨其月二十  
三日權知兵部侍郎知制誥依前充四年十一月三日

守本官同中書  
門下平章事  
鄭薰  
大中三年九月十八日自考功郎  
中充閏十一月二十七日特恩加

知制誥四年十月七日拜中書舍  
人並依前充十三日守本官出院  
相畢誠  
大中四年二

職方郎中兼侍御史知雜事充六年正月七日三殿  
召對賜紫其年七月七日授權知刑部侍郎出院  
相

蕭寘  
大中四年七月二十四日自兵部員外郎充十月  
七日加知制誥五年閏月十四日加駕部郎中六

年五月十九日拜中書舍人七年十月十二日三殿召  
對賜紫八年五月十九日遷戶部侍郎知制誥並依前  
充九年二月十七日加承旨十年八月  
四日授檢校工部尚書浙西觀察使 蘇滌 大中四年  
十四日自右丞入其月十八日加知制誥五年六月五  
日遷兵部侍郎知制誥並依前充六年六月九日上表  
病免闕年十一月 相蕭鄴 大中五年正月二十八日自考  
月守本官出院 相蕭鄴 功郎中充二月一日加知制誥  
七月十四日遷中書舍人六年正月七日三殿召對賜  
紫七月二十七日加承旨七年六月十二日遷戶部侍  
郎知制誥並依前充八年十二月 章澳 大中五年七月二  
月十八日守本官判戶部出院 章澳 大中五年七月二  
知制誥充六年五月十九日遷中書舍人八年五月十  
九日遷工部侍郎知制誥並依前充七月二日三殿召  
對賜紫十年五月二 相曹確 大中五年八月十一日自  
十五日授京兆尹 起居郎充十月十六日三



殿召對賜緋六年五月十九日加兵部員外郎七年四月十一日加知制誥八年五月十九日加庫部郎中九年閏四月六日拜中書舍人依前充十年五月十三日三殿召對賜紫十一年八月二十一日授河南尹出院	庾道蔚 大中六年七月十五日自起居舍人充其年十一月二十九日三殿召對賜緋七年九月十九日加司封員外郎九年八月十三日加駕部郎中知誥並依前充十年正月十四日守本官出院尋除連州刺史	李淳儒 大中六年七月十五日自禮部員外郎充七年十二月五日加禮部郎中知制誥九年十一月十二日拜中書舍人依前充十年十月十六日三殿召對賜紫十一年正月五日守本官出院	孔溫 大中九年二月二十九日自禮部員外郎集賢院直學士充其年三月三日加司封員外郎知制誥十二年正月十八日遷中書舍人其	于德孫 大中十年正月三十日自職方	年八月三十日除河南尹出院
--	--	---	--	---------------------	--------------

員外郎知制誥充其年十一月二十八日三殿召對賜  
紫十一年四月十五日加駕部郎中充十二年閏二月

遷中書舍人並依前充其年十月十四日  
充十三年四月二十九日授御史中丞出院 皇

甫珪 大中十年六月五日自吏部員外郎充其月七日  
改司封郎中十一年正月十一日三殿召對賜緋

其年十月二日加司封郎中知制誥十二年八月十二  
日拜中書舍人依前充十三年八月二十六日賜紫其

年八月二十九日加朝請大夫其年十一月遷工部  
侍郎知制誥依前充十四年十月改授同州刺史 相

蔣伸 大中十一年八月二十六日自權知戶部侍郎充  
九月二日拜戶部侍郎知制誥十月二日加承旨

十一年十二月二十九日轉兵部侍郎知制誥依前充  
十二年五月十三日守本官判戶部出院十二月二十

九日守本官同中 苗恪 大中十一年正月十五日自庫  
書門下平章事 部郎中充四月十五日加知制

誥十二年閏二月十三日遷中書舍人並依前充十三  
年八月二十六日賜紫二十九日加朝請大夫兼戶部  
侍郎知制誥十二月十三日加承旨十四年十一月八  
日改檢校工部尚書山南西道節度使兼御史大夫  
楊知溫 大中十一年九月八日自禮部郎中充十二月  
對賜緋十月十一日拜中書舍人依前充十三年九月  
十三日召對賜紫十四年十月拜工部侍郎知制誥依  
前充嚴祁 大中十二年五月二十一日自左補闕內供奉  
日加知制誥八月二十九日加駕部員外郎十三年七月八  
百戶十四年六月十三日改庫部郎中餘如故咸通二  
年四月改中相杜審權 大中十二年自刑部侍郎充其  
書舍人出院 大審權 月二十八日轉戶部侍郎知制  
誥承旨十三年八月二十九日加通議大夫兵部侍郎  
知制誥依前充承旨其年十二月三日守本官同平章

事相高璩

大中十三年四月二十三日自右拾遺內供奉充其年九月三日召對賜緋十一月三日

特恩遷起居郎知制誥依前充十四年十月六日特恩拜右諫議大夫依前充二十六日召對賜紫咸通二年

七月十九日加承旨八月七日遷工部侍郎依前充三年二月二十日特恩加朝散大夫兵部侍郎依前充八

月十九日加檢校禮部尚書蜀川節度使李貺大中十二年十二月二十四

十四年五月十二日召對賜紫加右補闕十月二十六日召對賜紫咸通二年三月十一日加左補闕依前充

三年二月二十日加職方員外郎知制誥充九月十四日守本官出院相劉鄩大中十四

二年二月二十七日遷起居舍人依前充三年二月二十一日

日加兵部員外郎知制誥依前充七月二十九日召對賜緋十一月八日遷中書舍人充五年九月五日遷戶

部侍郎依前充知制誥十一年十一月二十二日加承旨十二月二十三日出院充諸道鹽鐵等使

### 咸通後三十二人

**張道符**

咸通元年十一月二十五日自戶部郎中賜緋充二年二月六日加司封郎中知制誥依前充

四月二十一日卒官至五月二日贈中書舍人仍賜贈布絹及賜絹三百疋

**相揚收**

咸通二年四月

十八日自吏部員外郎充其月二十一日加庫部郎中依前充七月八日加知制誥十月十六日三殿召對賜

紫三年二月二十日特恩遷中書舍人充九月二十三

日加承旨其月二十六日遷兵部侍郎充兼知制誥四年五月七日以本官

**相路巖**

咸通二年五月二十八日同中書門下平章事

二十八日三殿召對賜緋三年二月二十一日加屯田郎中知制誥充四年正月九日遷中書舍人充五月九

日賜紫十六日加承旨九月十八日遷戶部侍郎知制  
誥充五年九月二十六日遷兵部侍郎知制誥充十一  
月十九日以本官同 **趙騭** 咸通二年八月六日自右拾  
中書門下平章事 **趙騭** 遺充十一月二十六日三殿  
召對賜緋三年二月二十日遷起居舍人充四年八月  
七日改兵部員外郎特恩知制誥五年正月十七日三  
殿召對賜紫七月八日加駕部郎中知制誥依前充九  
月十七日加朝散大夫戶部員外郎依前充其月三十日  
改禮部侍郎 **劉允章** 咸通三年九月二十七日自起居郎  
郎出院 **劉允章** 入其年十一月二十七日三殿召對  
賜緋四年三月二十日 **獨孤霖** 咸通三年九月二十七日  
四日授歙州刺史 自右補闕賜緋入四年閏  
六月十九日加司勳員外郎充十二月二十一日加知  
制誥五年五月九日三殿召對賜紫七月八日加庫部  
郎中知制誥依前充六年六月五日遷中書舍人依前  
充九月十七日加朝散大夫工部侍郎依前充七年三



月九日加戶部郎中知制誥充五月九日三殿召對賜  
紫九月十七日加朝散大夫中書舍人充八年正月二  
十七日遷水部侍郎知制誥依前充  
其年九月二十三日除同州刺史  
劉允章 咸通五年  
十七日自倉部員外郎守本官再入六年正月九日加  
戶部郎中知制誥五月九日三殿召對賜紫八年十一  
月四日遷工部侍郎知制誥依前充  
鄭言 咸通六年  
年十一月十六日改禮部侍郎出院  
自駕部員外郎入四月十日加禮部郎中知制誥依前  
充其月十九日中謝賜紫八年十一月四日遷工部侍  
郎知制誥並依前充九年六月  
相劉瞻 咸通六年十月八  
月十八日守戶部侍郎出院  
其月二十六日加工部員外郎依前  
充七年三月九日授太原少尹出院  
李隲 咸通七年三  
自太常少卿弘文館直學士入二十七日加知制誥七  
月遷中書舍人十月二十五日三殿召對賜紫九年五



月十六日除浙西觀察使盧深咸通七年三月三十日自起居郎入

十五年八月三日殿名對賜緋八年正月二十四日加知制誥其年八月八日召對賜紫十一月十一日加戶部郎中

知制誥依前充九年十月二十六日拜中書舍人依前充十年十一月十一日遷戶部侍郎依前知制誥其年

十二月卒官贈戶部尚書崔珮咸通八年十月二十三日自監察御

二十一日賜緋七月二十一日加工部員外郎依前充十二月七日賜紫十年三月十三日改考功郎中出院

相劉瞻咸通八年十一月二十二日自潁州刺史不赴任再入召對二十六日三殿召對賜紫九年五

月二十六日拜中書舍人依前充九月十二日遷戶部侍郎知制誥承旨十月十七日以本官同中書門下平

章相鄭畋咸通九年五月二十日自萬年令入二十四日改戶部郎中充八月十七日守本官知制

誥依前充十年六月四日遷中書舍人依前充其年十一月十一日遷戶部侍郎十二年四月二十六日加承旨九月二十七張楊咸通九年六月十三日自刑部員外郎入十五日加祠部郎中充九日授梧州刺史張楊外郎入十五日加祠部郎中充九月十七日知制誥依前充十月十六日召對賜紫十年七月十日遷中書舍人依前充其年十一月遷工部侍郎依前充十月二日加承旨十一年正月二十六日遷戶部侍郎知制誥依前充十一月十八日遷兵部侍郎知制誥依前充十二年五月崔充咸通九年關月十七日崔充自考功員外郎入守本月十二日貶封州司馬崔充官充十月十六日召對賜緋閏十二月二日三殿召對賜紫十年五月二十五日加庫部郎中知制誥依前充十二年正月二十六日遷戶部侍郎知制誥依前充十三年六月十日宣充承旨九月二十八日加檢校工部高書東川相韋保衡咸通十年三月十三日自起居郎節度使駙馬都尉入守左諫議大夫知制

誥充承旨其年十一月十日遷兵部侍郎依前充十一年四月二十五日以本官同中書門下平章事

韋

咸通十年六月自職方郎中充九月七日加戶部郎中知制誥十一月十一日遷中書舍人依前充

十二月二十八日三殿召對賜紫十二年正月二十六日遷工部侍郎知制誥依前充十三年十月十五日加

承旨十一月十五日改御史中丞兼刑部侍郎出院杜喬休咸通十一年正月十日自起居郎入守

本官充五月二十七日三殿召對賜紫九月十一日加司勳員外郎知制誥依前充十三年二月九日守本官

出鄭延休咸通十一年五月十八日自司封郎中知制院鄭延休誥遷中書舍人充十二年正月二十八日三

殿召對賜紫十一月十八日遷工部侍郎知制誥依前充十三年正月四日宣充承旨七日遷工部侍郎依前

充十四年八月二十二日加金紫光祿大夫尚書左丞知制誥依前充十五年正月十三日除檢校禮部尚書

充河陽三城節度使薛調咸通十一年十月十七日自關部員外郎加駕部郎中充十二年正月二十六

日加知制誥依前充十三年二月二十六年卒官三月十一日贈戶部侍郎韋保乂咸通十

月十三日自戶部員外郎入守本官充三月十六日特恩賜紫五月十日加戶部郎中知制誥依前充十四年

十月貶賓州司戶劉承雍咸通十四年十月崔瑒相李溥相相豆

盧瑒崔湜咸通十四年十一月二十三日自相盧攜殿中侍御史改司封員外郎充

咸通十四年十二月自左諫議大夫充承旨學士十五年拜相

翰苑羣書卷六

欽定四庫全書

翰苑羣書卷七

宋 洪遵 編

禁林讌會集

御書飛白玉堂之署四字頒賜禁苑今懸掛已  
畢輒述惡詩一章用歌盛事

右僕射平章事監修國史李昉

玉堂四字重千金宸翰親揮賜禁林地望轉從今日貴  
君恩無似此時深宴回上苑花初發麻就中宵月未沈

衣惹御香拖瑞錦筆宣皇澤洒春霖院門不許閒人入

承旨學士舉舊事置鈴索於院門閒人不許輒入

仙境寧教外事侵我直承明

踰二紀臨川實動羨魚心

昉頃在禁林前後出處凡二十有五載不逢

今日之盛事者有七新學士謝恩日賜襲衣

金帶寶鞍名馬一也十月朔改賜新樣錦袍

二也特定草麻例物三也改賜內庫法酒四

也月俸並給見錢五也特給親事官隨從六

也新學士謝恩後就院賜敕設雖為舊事而無此時供帳之盛七也凡此七事並前例特出異恩有以見聖君待文臣之優厚也臨川之羨其在茲乎

御書飛白玉堂之署三體宸章併宣禁苑觀茲盛事輒動斐然

尚書吏部侍郎同中書門下平章事張齊賢  
寵深仙署降新牌御筆親題重俊才四字千齡懸日月



兩篇三體琢瓊瓌登科却桂皆同樹入室丘門盡仰回

余與承旨學士皆御前科選而學士最受聖恩顧遇則前後門生俱深榮羨故有是也

寓直靜封

芝檢去密宣榮對玉泉來職清望峻人稀見地貴局嚴  
畫罕開多幸謬持黃閣柄煙霄時得遂遊陪

伏覩禁林盛事謹賦一章

給事中參知政事賈黃中上

璇題飛白御毫新三體瓊章妙入神特賜禁林為盛事  
只緣明主重名臣青編輝映輕前古丹地深巖隔世塵

金籙禎祥非是寶玉堂名號此方真

玉堂之名從來未著格令今聖君親

書玉堂之署四字為千古不朽之事自此名始真矣

恩榮誰比煙霄客文彩長懸

日月輪為報螭宮主人道蓬萊全勝昔時春

黃中以近離內署故

不覺有此健羨之句

伏覩禁林新成盛事輒思歌詠不避荒蕪

給事中參知政事李沆上

禁庭多士列華簪嚴樂輝光冠古今御筆騰驤題玉署  
宸章照耀詠詞林虛堂挂後傳千載翠琰刊成直萬金

振復文明知聖作尊崇儒術見天心增修一院煙霞麗  
曲宴羣英雨露深自我昌朝為盛事鼇山高峻重難尋  
伏蒙承旨學士特賜寵招慙非嘉客陪列仙於  
丹地觀盛事於玉堂御題禁署之名勢如飛動  
聖制大風之作鏗若宮商一時併耀於蓬瀛三  
體俄成於真草昔太宗之優待學士日預論思  
明皇之寵尚集賢時聞臨幸以今况昔異代同  
榮至謬亞冢鄉獲司中祕啗牛心而不稱陪塵

尾以何能謬銜樂聖之杯且乏娛賓之賦嗟歎  
不足歌詠輒興雖勞燥吻之冥搜終類繫轅之  
陋唱仰塵高鑒聊抒下情

吏部侍郎兼祕書監李至上

昔陪羣彥在鰲山今日重來赴玳筵纔向玉堂觀聖札  
又離瑤席覩宸篇二南絕唱人驚駭三體神蹤鳳折旋  
坐久庭柯移午影飲酣宮吹遞香煙吟求視草牋分寫  
醉假通中枕暫眠俗客不知仙禁近高歌共樂太平年

禁林讌會之什

學士承旨中書舍人蘇易簡上

雨晴禁署絕纖塵讌會名賢四海聞  
供職盡居清顯地崇儒同感聖明君  
翩然飛白璇題字煥若丹青翠琰文  
梓澤笙歌誠外物蘭亭詩酒不同羣  
少年已作瀛洲老他日終棲太華雲  
莫怪坐間全不飲心中和氣自醺醺

學士左諫議大夫知制誥韓丕上

鼇宮明麗倚春寒讌會羣仙喜縱觀  
聖作照臨新日月

御書飛動集龍鸞綺談雅似聞天樂瓊液香勝飲露盤  
坐久杳同玄圃外吟餘飄若碧雲端演綸視草微才怯  
闕

霈澤寬因想前賢倍知幸多云遭值太平難  
學士考功員外郎知制誥畢士安上

好文英主古難齊寵重詞臣意勿低睿藻清新刊翠琰  
神蹤飛動在璇題芸籤許效蓬萊閣花檻容模罨畫溪  
樂聖朋儕開綺席愛君誠抱挂金閨買臣晚遇知多幸  
犬子端憂思轉稽天地恩私無以報只將兢慎對芝泥

司封郎中知制誥柴成務上

內署延賓宴玉堂紫闈深啓會琳琅雲霏寶額題宸翰  
金錯瑤編勒御章盤薦異羞羅彩翠盞傾醇醴湛清光  
柳當朱檻春先到日過花磚影漸長吟客盡容窺綺閣  
棲禽應許託雕梁歡榮共樂文明代惟願登歌頌聖皇  
起居舍人知制誥呂祐之上

高會蓬瀛振德音崇賢同慶湛恩深瑞融雲露飛宸翰  
榮下煙霄飾禁林鳳藻瓌奇清擊石龍文磨琢麗雕金

詞臣喜適逢時願睿眷殊敦好士心華照北門張組繡  
祕逾東序敵球琳玉堂宴罷尤知幸御榜天章豈易尋  
右正言知制誥錢若水上

一夜春風滿帝都禁林清曉宴簪裾玉堂乍到驚凡目

金鑠徐開見御書

承旨學士嚴以扁鑠  
鑠御書於玉堂之上

四字驪龍爭天

矯兩篇瓊樹闢扶疎詞臣此會人應羨聖主多才古不  
如日上花磚簾捲後柳遮鈴索雨晴初閣前吟罷先沈  
醉忘却西垣有直廬



右正言知制誥王旦上

喜綴真仙讌禁林玉堂新事好供吟天章刻石興風雅  
宸翰書牌耀古今勢逸奪迴龍鳳跡調高流入管絃音  
光凝玉笋瓊漿潤冷布花塲藥樹陰地貴每朝金殿近  
景清如到玉壺深得陪嘉會榮觀大虔效賡歌樂聖心

右諫議大夫史館修撰楊徽之上

星移歲律應青陽得奉羣英步玉堂龍鳳雙飛觀御札  
雲霞五色詠天章禁林漸覺清風暖仙界元知白日長

詔出芝泥封去潤朝迴蓮燭賜來香二篇稱獎恩尤重  
萬國傳聞道更光何幸微才逢盛事願於史冊紀餘芳  
右司諫史館修撰梁周翰上

寶書驚絕耀天章飛白親題賜玉堂瑞彩上騰流素月  
朗河下注映丹牆鶴盤吳嶼雙翎健鵲顧雕陵巨翼長  
遊霧半收懸組練輕雲斜拂駐鸞皇墨池併獲三奇寶  
翠琰俱生五色光陪讌禁林知有幸叩頭遙祝萬年觴

倉部員外郎直祕閣潘慎修上

紅藥深嚴肅廣筵嘉招仍許廁羣仙忽窺宸翰雲龍動  
乍揭天辭日月懸散作措模爭寶惜永刊金石共流傳  
况當枚馬從容地仍集班揚侍從賢敢竊休明為盛觀  
願陳風詠播薰絃不辭勝引承歡醉長洽升平億萬年

翰林侍讀右正言呂文仲上

青葱溫樹非塵境鼇岫金鑿近日邊石壁天章垂雨露  
璇題宸翰動雲煙西垣賈馬徵詞客東觀蓬萊集列仙  
讌喜醜顏飛玉笋鏗鏘奮藻擘花牋唐虞盛化高千古

葵藿傾心祝萬年自顧薄才誠有愧不知何以奉羣賢  
翰林侍書行殿中侍御史王著上

文明天子重詞臣聖製褒揚日月新宸翰特頒仙署額  
皇風先發玉堂春虬龍逸勢誠難伏鸞鶴迴翔信得真  
齊武任誇非入妙漢章雖巧未通神匪惟銜耀鼇宮客  
兼是輝華鳳閣人幸接英儒同讚詠輒書狂斐繼清塵

翰苑羣書卷七

欽定四庫全書

翰苑羣書卷八

宋 洪遵 編

蘇易簡續翰林志上

李肇述翰林志禁庭之事詳矣至其引宋昌之言曰所言公則公言之所言私則王者無私之說言翰林制置任用非王者之私識者以為知言自唐氏之制駕在大內則於明福門內置院駕在興慶宮則於金明門內置院德宗時移院於金鑿坡上迄咸鎬為墟以梁苑為東

都今二京學士院之制並在樞密宣徽院之北蓋表其深嚴宥密焉其學士立班常朝暨聖節行香并大忌進名並隨樞密使坐次及行幸大宴在參知政事之後從北為首每三元張燈及賜酺上御乾元樓臨軒觀樂憑欄設次坐在上將軍之上郊祀籍田青城之內設幕次於殿門東偏別設羶廬以為寢所蓋備密命焉元稹翰林承旨學士記曰舊制學士無得以承旨為名者應對顧問參會班第以官為上下憲宗以永貞元年即大位

始命鄭綱為承旨學士位在諸學士上居位在東第一  
閣乘輿奉郊廟輒得乘廢馬自浴殿由內朝以從揭雞  
竿布大澤得升丹鳳之西南隅外賓客進見於麟德則  
上直禁中以俟凡大詔令大廢置丞相之密畫內外之  
密奏上之所甚注意者莫不專對他無得而比也

後唐長興元年二月翰林學士劉昫奏臣伏見本院舊  
例學士入院除中書舍人即不試其餘官資皆須先試  
麻制答蕃書批答各一道詩賦各一首號曰五題所試



並是當日內了便具進呈從前雖有召試之名而無考  
校之實每值召試新學士日或有援者皆預出五題暗  
令宿構至時但寫淨本便取職名若無援者即臨時特  
出五題旋令起草縱饒負藝罕能成功去留皆繫於梯  
媒得失盡由於偏黨此乃抑挫孤寒之道開張巧偽之  
門積弊相沿澆風未改將裨聖政須立新規况今伏值  
皇帝陛下德合乾坤明懸日月大興淳化盡革澆風矧  
惟翰墨之司專掌絲綸之命宜從正直務絕阿私自今

後凡有本院召試新學士欲請權停詩賦只試麻制答  
蕃書并批答共三道仍請內賜題目兼定字數付本院  
召試然後考其臧否定其取捨貴從務實以示均平庶  
令孤進者得展勤勞朋比者不能欺罔事關穩便合貢  
芻蕘從之

後唐天成三年八月勅掌綸之任擢才以居或自初命  
而升或自顯秩而授蓋重厥職靡繫其官雖事分皆同  
而行綴或異誠由往日未有定規議官位則上下不常

論職次則後先為敘宜行顯命當正近班今後翰林學士入並以先後為定惟承旨一員出自朕意不計官資

先後並在學士之上仍編入翰林志旋召張昭遠

下一字與

漢祖御名同後只名昭

入院以其早踐綸闈久司史筆曾居憲府

累陟貳卿今既擢在禁林所宜別宣班序其立位宜次  
崔枕夫禁庭之職儒者之至榮外望之所忌豈居是職  
者專列人之短於君父之前邪則為恭顯靳費之流耳  
奚為服儒服而食天祿乎唐陸贄抗疏論吳通玄弟兄

云學士是天子私人侵敗綱紀宰臣有備位之號不知  
贅於是時所為何如哉貞元中時人謂學士為內相亦  
忌其親密也

晉天福六年五月詔曰六典云中書舍人掌侍奉進奏  
參議表章凡詔旨制勅璽書策命皆案故事起草進畫  
既下則署而行之其禁有四一曰漏洩二曰稽緩三曰  
違失四曰忘誤所以重王命也古昔以來典實斯在爰  
從近代別創新名今運屬興王事從師古俾仍舊貫以

耀前規其翰林學士院公事宜並歸中書舍人從宰臣  
馮道之奏也自是舍人晝直者當中書制夜直者當內  
制至開運元年六月復有詔曰翰林學士與中書舍人  
分為兩制各置六員偶自近年權停內署況司詔命必  
在深嚴將使從宜却令仍舊宜復置學士院蓋宰臣桑  
維翰秉政將戾於道故乃復焉自此班秩再有倫矣  
凡儼直之數上自諸行尚書三十五直下至白身一百  
四十直必須圓融其直先五直舊學士一點次三直一

點又次二直一點此三等隨日多少令其均勻永為定

式

晉開運中楊昭儉直綸閣酌其從來倣直之數等第除減條為定式申中書門下仍刻石在壁員外郎入

舊八十直改為五十直郎中入舊六十直今改為四十直他官入舊一百直改為八十直自員外郎知制誥轉

正郎仍舊六十直改為三十直正拜舍人舊四十直今為二十直自常侍諫議給事拜舍人舊四十直改為二

十直應舊官再入約前任減半今附乎此貴存舊章其內制倣直及吉凶疾病諸

假則例自具翰林舊規

學士起復之制周朝已前未聞其例周世宗時故內翰王公著

今揆相李公昉俱遭內艱屬世宗北伐並起復隨駕書詔繁委之際即不違叙合倣直與不倣直迺皇朝端拱元年閏五月易簡遣家艱奉詔抑奪邊與翰長以下商議依鳳閣壁記體例同舊官再入約計前直減半是時

復保直二  
十五直矣

至皇朝今揆相李公獨直禁中奉旨令每雙

日夜直隻日下直可以永為通式也四禁之中漏洩為

最故草制之夕遲明必闔院門之雙扉當制學士坐於

玉堂上止吏人之出入者俟宣制訖方啓戶焉文翰之

職優待之異者後唐同光中賜承旨學士盧質論思翊

佐功臣

旋授節制河中馮瀛王送之詩云視草北  
來唐學士擁麾西去漢將軍時人榮之

梁開

平中以前進士鄭致雍為學士晉開運中賜本院書詔

金印一面周顯德中以向來學士與常參官五日一度

起居世宗欲令朝夕接見訪以時事乃下詔曰翰林學士職係禁庭地居親近與班行而既異在朝請以宜殊起今後當直下直學士並宜令逐日起居其當直學士仍赴晚朝舊制每命將出師勞還曲宴於便殿則當直

學士一人與文明密直得預坐

今揆相李公故尚書扈公早在禁林曾預斯宴

後為閤門使梁迥輕鄙儒士居太祖罷之

至皇朝太祖英武聖文神德皇帝

因致酒於紫雲樓下命兩制侍宴懽甚因命中書舍人來晨宜綴內制起居令為通式仍各賜書千卷以備檢



閱舊體每遊醮止學士得赴召暨皇上留心儒墨旋賞  
文翰時綸閣之士始召赴曲宴或令和御詩舍人從遊  
宴自此始也厥後立春鏤銀飾彩旛勝之物亦及之太  
平興國八年召閣下舍人李公穆宋公白賈公黃中呂  
公蒙正李公至入院時承旨扈公蒙贈詩賀之有五鳳  
齊飛入翰林之句為一時之盛事其或觀稼於南薰門  
賞花於含芳園春盡嚴蹕百司景從幸國西之金明池  
下雕輦登龍舟都人駕肩百樂具舉憩瓊林苑由複道

御層樓臨軒置酒以閱繁盛兩制必侍從焉至上林春  
融千花萬卉妍麗冠絕上必曲宴宰衡勳舊召兩制誥  
臣俯龍池垂金鉤舉觴賦詩終日而罷上嘗謂宰執近  
臣曰詞臣實神仙之職也翊日凡所進詩悉闕御臺屬  
和以賜焉

雍熙三年十月勅曰兩制詞臣公朝精選典司綸誥親  
近冕旒宜於俸祿之間特示優異起今後兩制俸料並  
以見緡充

上聽政之暇搜訪鍾王之迹以資閱翫焉御臺飛動神  
機妙思出其軌制乃召書學之有格性者置於便殿躬  
自省閱仍授以筆法既覩其有成各賜以章服象笏令  
入院充待詔者八人自是書詔字四出寰海之內咸識  
禁中之墨妙焉

舊體學士凡召入院止賜白成釵

都了反

口銀鞍勒馬暨

今上即位優待特異賜金鍍銀鬧裝鞍勒馬對衣荔枝

金帶郊裡禮畢賜對衣金帶或牯犀帶金魚副之

朝士自唐

未久闕佩魚者  
迄今方復之

十月朔舊賜對衣紅錦袍上特以細花

熟錦袍代之

淳化三年冬代以細花盤  
鵬錦袍其制下丞相一等

自是遠方之珍

果天府之法釀龍鳳之茗薜伏臘之餅餌以時而賜悉  
加等焉

玉堂東西壁延袤數丈悉畫水以布風濤浩渺擬瀛洲

之象也

待詔董  
羽之筆

修篁皓鶴悉圖廊廡竒花異木羅植軒

砌每外喧已寂內務不至風傳禁漏月色滿庭真人世  
之仙境也

蘇易簡續翰林志下

學士拜命先閤門受制書於常朝殿門之階上

舊體名入院後

差中使賜拜伏跪受訖於便殿對敎陳述寵用遭值之由謂

之告謝上必從容賜坐錫以茶藥而退選日謝恩前一

日待詔一人就宅宣召預於庭設衽褥堂設酒醴待詔

稱有勅望皇居拜伏聽命其辭皆獎飾嚴召之意

於本院舊

學士處請本

又舞蹈訖升堂飲饌以謝恩奏狀拜伏跪授之

來日待詔迎於待漏院與新學士偕行引至閤門而退

閣門舍人始引入中謝賜對衣金帶金塗鞍勒馬

近例就院

轉官惟承旨則賜分物敕設如初拜之禮餘不得比矣

入本院上事宣徽院告報

勅設儀鸞宿陳帟幕太官備珍饌設上尊酒茗果畢至

赴是設者止鳳閣舍人餘不得預坐

舊體禁中上事元無樂前代或有令

伎藝人弄獼猴藏珠之戲者

玉堂之上惟上事受吏人賀禮始得正坐餘雖承旨亦須坐於東廂其副翰坐西廂餘依雙隻對坐居是職者人物之選亦已極矣儒墨之榮亦已至矣苟能節用以

安貧杜門以省事探真如之旨養浩然之氣來者瞻望  
其出處時君優假其顏色逍遙卒歲非神仙而何每上  
直一依舊制入者先之出者後之或會食日盱之後同  
列出院當直學士苟已褫巾笏則可紗帽鞞履送至玉  
堂之簾下蓋同列相恕其坦率也或禁直垂簾人靜之  
際則有中使忽降御詩宣令屬和則必尋拜謝狀後信  
宿方和進如聲韻奇險難以賡載者必拜章瀝懇陳述  
寡和之意優詔多免焉每錫賜謝恩奏狀必當直草或

郊禋行慶制命填委必聚廳以分草之其餘書詔辭祝  
頌刻之間雖繽紛而至必獨當之或數直有不草一詞  
者自可探蹟往誥研窮理體以備顧問焉

李肇翰林志曰凡將相告身用金花五色綾紙

唐乾寧二年十

月十日李鋌自黔南節相授京兆尹兩度咨報中書用白綾紙

今親王相告身並用金

花五色白背綾紙皇后貴主用金花五色背羅紙不帶  
使相者用金花五色白背綾紙觀察使及參知政事樞  
密副使簽署樞密院公事並五色綾紙無金花諸蕃酋



長蠻王鬼主官告中書省草詞送本院寫皆五色綾白

背紙

一本作白  
大綾紙

俱新制也

舊體樞密使未帶使相者不宣麻至周太祖初潛歷是始乃宣制於公朝今之宣麻自周太祖始也

晉天福二年中書奏准翰林志凡赦書德音立后建儲行大誅討拜免三公宰相命將內制並使白麻紙不使印雙日起草候閣門鑰而後進呈至隻日百寮立班於

宣政殿

今於文  
德殿

樞密使引案

今以閣  
門使引

自東上閣出若拜

免宰相即付通事舍人餘付中書門下並通事舍人宣  
示若機務急速亦使雙日甚速者雖休假亦追班據翰  
林志言立后不言立妃言儲君不言親王公主兼三師  
位在三公之上文並不載今後立妃及拜免三師三公  
宰相命將封親王公主並降制命餘從令式天成三年  
十二月日學士院記事樞密院近送到知高麗國諸軍  
事王建表令賜詔書者其高麗國先未曾有人使到闕  
院中並無彼國詔書式樣未審呼卿為復呼汝兼使何

色紙書寫及封裹事例伏請特賜參酌詳定報院者中  
書帖太常禮院令具體例分析申堂據狀申謹案太宗  
親平其國不立後嗣是以書詔無賜高麗國式樣且東  
方最大是新羅國請約新羅國王書詔體例修寫奉勅  
所賜高麗王書詔宜依賜新羅渤海兩蕃書詔體書寫  
天復三年七月二十一日學士柳璨宣對思政殿便令  
到院宣示待詔自今後凡寫勅後而不得留空紙但圓  
融畫勅及日便得剩  
紙環即日宣示之

周顯德中宣諭翰林院今後凡與諸王詔書除本名外

其文辭內有字與本名同者宜改避之

唐韋處厚翰林學士壁記言禁林之材用備矣迄朱梁

而下以大才登大用比比而去此不能錄今畧紀數公

事迹以表世不乏賢也

餘具譜牒國史

謹厚則竇儀李惲徐台

符吳承範典麗則李澣陶穀張沆商鵬魚崇諒扈蒙放

誕則王著歐陽炳審音則竇儼孝謹則劉溫叟嗜學則

張昭申文炳其餘不可勝紀惟陶與竇直禁林之傑者

而竇以凝重陶以輕躁圓鑿方柄即可知矣

李憚於天成中入直禁署時宰執以司會貢士呈試多不合格式起請令翰林學士各為格詩格賦一首以為繩準時同職各已撰成送中書中書吏累督憚令撰之憚曰李某識字有數因人成事苟令復應進士落第必矣今備位禁署後生可畏焉能以格詩格賦垂於世哉終不下筆時論喧然以為知大體

承範以稟賦敦厚時宰屢有薦延言可大用公台之望日隆矣每盛夏必危坐奧室加以純絛慮有寒濕之疾

其自重也如此卒不登用其命也夫沆與承範及鵬皆  
盧華侍郎下進士擢第同年范禹偁江文蔚流落吳興  
亦居偽廷之內署一榜之內學士五人自有科第已來  
未有若斯之盛者也

台符早以亂罹曾陷北庭因間遯歸所乘馬常多嘶鳴  
暨晝伏宵行則帖爾屏息逮至中土嘶鳴如故識者以  
為積善之徵後處禁林周世宗必欲置之廊廟將擇吉  
日宣制一日內直忽終於玉堂車駕親臨救以上藥已

奄然矣

澣以詞藻特麗俊秀不羣長興中於太傅和魯公下進士擢第未數載與座主同列內署和大拜之制澣實草之不俟和命其閣中器皿動用盡培歸私室以為濡潤後以石晉不造陷於北庭亦神鋒太俊之致也

周世宗初踐祚北征劉崇旋召魚公復掌文翰時以母老侍養於陝府久而不至乃召陶公陶則不俟駕行謁見行在且稱崇諒懼劉崇兵勝有顧望之意上益不樂

自此升沈不侔矣陶厥後自以官居八座位至承旨且  
欲軋同列之官卑者乃起請令今後學士合班儀在議  
行侍郎之下如官至丞郎者即在常侍之上官至尚書  
者依本班迄今以為準焉與夫先人後已之道戾矣士

大夫嘉其文而鄙其行焉

舊體知制誥在尚書之上  
學士在左右僕射之上

蒙以仲弟載先直禁署未幾即世蒙繼入焉泊居兩制  
出處僅三十年嘗預修五代史至於衰耄頗倦直形於  
詞色後以工部尚書解職不數月而逝



著以周世宗代邸舊寮倍有眷注暨世宗即大位亦嘗於曲宴揚袂起舞上優容之或夜召訪以時政屢沈酒不能言

炳以偽蜀順化旋召入院嘗不巾不襪見客於玉堂之上尤善長笛太祖嘗置酒令奏數弄後以右貂終於西洛

儼乃儀之仲弟也嘗與儀連翩知貢舉直內制時比之二陸焉昆季五人皆擢進士第時亦謂之五龍閨門之

盛近實罕比周世宗顯德五年冬將立歲仗前一日親  
至於樂懸之下問雅音於工師皆不能答因令儼知太  
常卿事與樞密使王朴同詳定之乃用古累黍之法以  
審其度造成律准其形如琴而巨凡十二絃以定六律  
六呂旋相為宮之義世宗善之至是登歌酌獻始有倫  
矣

溫叟乃太常卿岳之子也於晉室開運中召入院乃捧  
命書慶於高堂其母不登時見之溫叟在堂下俟命聞

動扃鑰聲莫審其由未幾兩青衣皆卅角舉一箱其中則紫綬兼衣立於庭中母方命捲簾見其子曰此即前父在禁中日內庫所錫者溫叟即措笏垂泣跪捧退開家廟列祀以文告之其母僅旬日不見其子蓋感愴之意也

昭以嗜學苦節冠於搢紳清資華貫無所不歷於唐末簡策遺墜之後能糾合遺言著成唐書至於褒貶是非咸得其理文炳為學之志老而彌篤躬抄圖史僅盈數

篋其所為文多自注釋之筆迹老熟人尚有傳者餘悉位以才陞何暇評品其文格焉

夫學士之稱職之至美也至於列位黃閣尚帶大學士之號唐張說猶讓而不處焉則為儒之貴莫越於此唐朝侍講侍書侍讀皆帶此職後唐同光元年置護鑾書制學士以倉部員外郎趙鳳為之梁開平三年正月改思政殿為金鑾殿置大學士一員以景翔為之與館殿大學士同至皇朝太平興國五年始命禮部侍郎程羽

為文明殿學士文明之號自茲始也後唐天成元年命馮道趙鳳充端明殿學士非舊號也仍詔云班立在翰林學士之上如有轉改只於翰林學士中選蓋樞密使不曉文義故署此職

馮道笏記云天下儒生僅餘萬數殿前學士只有兩人時輩榮之

本職在官下趙鳳轉侍郎遣人諷任園移職在官上至今為例梁開平元年五月改樞密院為崇政院命景翔為院使二年十月置崇政殿直學士兩員選有政術文學者為之始以尚書吏部郎中吳藹兵部郎中李珽

金門

兄之充選又改為直崇政院後唐同光中依舊為樞密院亦置密直學士一人班次在翰林學士之下上之數職雖非視草入直而職名相近故亦附於志云

丙戌歲易簡始自祠曹外郎知制誥蒙恩召入院逮今六載畧無塵露以益山海今歲驟自祠曹正郎改授中書舍人充承旨之職非才非望益負愧惕因視草之暇集成此書以繼李公之作餘後之制置新規俟他日別加編纂焉時皇宋龍集辛卯淳化紀號之二年孟冬朔

日

翰苑羣書卷八